



Societas Iesv Amatrix, Cultrix, Imitatrix, Christi Crvcifixi

Sandaeus, Maximilianus

Antverpiae, 1647

104. Optat, circa finem vitæ, & genus mortis, aliasque circumstantias, conformari Crucifixo Domino, Joannes de Castillo, Hispanus.

Nutzungsbedingungen

[urn:nbn:de:hbz:466:1-55449](https://nbn-resolving.org/urn:nbn:de:hbz:466:1-55449)

III.

AMATOR CRUCIFIXI

Effigiem Crucifixi præferens, & sibi
commissos animans ad fortiter pro
Christo occumbendum, pectus
suum telis inimicorum li-
benter offert.

IGNATIVS FIAGLIO Lusitanus è So- 103.
cietate Jesu, cum in Mogoræ Chri- IGNATIVS
stianos ad fidei constantiam in excitatâ FIAGLIO
dira persecutione adhortaretur, manu Lusitanus.
CRUCIFIXI effigiem prætendens, ab
impiis multis vulneribus confossus oc-
cubuit. Anno M. DC. XXXIII.

*Joseph de Castro litteris datis Agra Regia Mo-
goris, 8. Octob. 1633. ad Rector. Coll. Taurin.*

IV.

AMATOR CRUCIFIXI

Optat circa finem vitæ, & genus mortis,
aliasq; circumstantias conformari
Crucifixo Domino.

IOANNES DEL CASTILLO Hispanus 104.
in Paraquariâ, Barbaris furore in JOANNES
Christianos concitatis, primum con- DEL CA-
tumeliis stillo
Hispanus.

tumeliis & pugnis affectus, tum vinctus, deinde jaculis fuit confixus; mox fune constrictus per aspera montium raptarunt eundem impii totos mille passus, & plagas superingesserunt prodiga immanitate. Tunc illigatum arbori brachiis in CRUCEM expansis, repetitis vulneribus mactarunt. Demum, validiore lacerto saxum Sacro ejus vertici illisum latam animæ portam aperuit ad felicem æternitatem.

Sed neque à cadavere temperatum est. Caput contusum, reclusa præcordia, totum igne absumptum. Obiit generosus Athleta, CHRISTO penè per omnia configuratus (quod haud dubiè, si prævidisset, optasset vivens) nimirum, tertio, ac trigesimo ætatis suæ anno, feriâ sextâ, horâ post meridiem terciâ, & ne quid decisset, CRUCIFIXVS. Anno Christi M. DC. XXVIII. XVII. Novemb.

Franciscus Crispus Relatione propriâ. Ioan. Eusebius Nieremberg. in historiâ panegyrica. Annua Paraquaria S. I.